

# Satt vüür Jlöck

Musik & Text Björn Heuser / Verlag: HEUSERMUSIK, GMO Publishing

---

Dinge Odem ruhig, di Hätz schläät leis.  
Dä Daach wor lang, ich nemm ding Hand.  
Wie du do liss, su zuckersöß.  
Als wör't dä eetze Daach em Paradies

Dä Morje brich ahn, trick övvert Land.  
Ne leichte Wind, wat dä wohl met sich bringk?  
Es och ejal, sulang do bei mir bes,  
am eetzte Daach em Paradies.

**Ich jevv dir ne Kuss, noch bevür de Sunn he schingk.  
Un et es su schön ze wesse,  
et weed för hüek nit dä letzte sin.  
Dä Mond es voll, su voll wie mi Hätz an dinger Sick,  
Do mäas mich - satt vür Jlöck.**

Ich sin et Meer, zäll jede Well,  
hür Katze schänge un wat die Naach verzällt.  
Ich lur dich ahn un sicher es,  
et es dä eetze Daach im Paradies.

**Ich jevv dir ne Kuss, noch bevür de Sunn he schingk...**

**Dä eetze Kuss, noch bevür de Sunn he schingk,  
un et deight su joot ze wesse...**

Ich luur dich ahn un sicher es,  
et es dä eetze Daach em Paradies.  
De Sunn jeiht op un sicher es,  
et es dä eetze Daach im Paradies.